

schaden neme oder hette/ so hencf diese wurzel an halß/ so reiniget es den schaden/ vnd wirt heylen.

So einer versert were in dem gedärm/ durch ein fall oder sunst/ wie man dann das oft erfürt/ der nem Buchholderkraut vnd wurzel/ pulver das/ vnd esse es in allen Speisen/ bis es heil ist/ vnd so es von nöten were/ das er ein geschwulst/ schmerzen oder herte in dem gedärm befünde/ so nimme Käspapelnbletter drey oder vier handvoll/ siede sie in wasser/ das sie weich werden/ darnach gestossen/ vnd wider gesotten / als dann außgedruckt/ vnd vngesalzene Butter darinnen zerlassen/ vnd warm ober den leib gelegt/ das zertreibt alle schmerzen/ stich/ vnd die härtigkeit.

So aber ein sehr wehe im Creutz were/ vnd dasselbig vom Stein vnd Brand were der Nieren/ So mache diß Bad.

Das LXXVI. Capitel.

Nimb

Nimb klein wald Farrenkraut/ zwo
 vnd zwensig handvol/ Gundelrebe
 kraut 8. handvoll/ Petersilgenkraut
 4. handvoll / Darzu nimb drey grosser
 Kesselvoll wasser/ vnd siede diese Kräuter
 darinnen/ mache ein vollbad darauf/ dar-
 rinnen bade des Morgens ein stund oder
 zwo/ bis du gesund bist/ vnd allemal wann
 du auß dem Bad gehest/ so schmier das
 Creuz mit diesem Del: das mach also:
 nimb Krammetbeer zwo oder 3. hand-
 voll/ starcken Alten Rheinischen Wein
 fünff maß/ auff 3. handvoll Krametbeer/
 laß es genug beim Feur einsieden/ bis du
 keinen Wein siehst der ober die Beer geht/
 darnach gestossen/ vnd aufgedruckt / diß
 behalte in einem engen Glas wol ver-
 macht/ das brauch wie gesagt.

So es aber ein schwangers Weib wer/
 so nimb weiß Liliöl/ das mache also:
 Nimb weiß Liliënblatter 3. oder 4. hand-
 voll/ die stosse das sie säfftig werden/ dar-
 nach geuß gut frisch Baumöl drey maß
 darüber/ in ein dünnes Glas gethan/ wol
 ver-

vermacht/ vnd vier tag an die Sonn geset/ das es sich wohl durcheinander digerire oder wircke/ am fünfften tag trucke es durch einen saubern Sack/ vnd wirffe die alten Lilienbletter hinweg/ vnd lege frische Lilienbletter darein/ vnnnd laß es widerumb vier tag in der Sonnen wircken/ so ist es recht gemacht/ damit schmirre die schwangere Frawen/ biß sie kein schmerzen mehr befinden an ihrem Leib allenthalben.

Sür die Sciatick/ Ischias genant.

Das LXXVII. Capitel,

Diese Kranckheit kompt von einer wässerigen Feuchtigkelt / welche vom Leib hinab sist/ in die Wirbel schüssel/ da der Ruck vnd das Huffsbeyn sich in einander schliessen/ so kan sich der Mensch nit auffrichten/ man drückne es dan auß/ darfür gebrauche man dises vn-
guent. Nimb Storckenschmalz anderthalb

halb lot/ Meyenbutter ein lot/ wie in der figur verzeichnet ist/ Dise zwey stuck zerlasse vndereinander/ vnnnd schmiere dich darmit / biß die obgemelte Feuchtigkeit außgedrückt ist/ vnnnd widerumb gesund bist.

Von der Blasen.

Das LXXVIII. Capitel.

S Deiner die Harnwind oberkompt/ das er gar hart vnnnd mit großem Schmerzen harnet/ dem hilff also: Nimb Zwibelschälen/ Kettich mit sampt dem Kraut/ Käspappelbletter jedes drey guter handvoll/ bolus Armenus, Trauchenblut jedes 4. loth/ siede es in 5. oder 6. maß gemeines Wasser/ laß von sich selbst erkalten/ darein setz dich mit blossen hindern/es hilfft vor alle Harnwinden.

So aber einer auffließ von dem Harn/ dem hilff inn der gestalt/ Nimb Steinsbrechkraut 6. oder 7. handvoll/ Waldhopffen 3. handvoll/ Eybischkraut vnnnd wurzel

wurzel vierthalb handvoll/ mit Wasser
 gefotten/das ein vollstendigs Bad darauß
 werde / laß von sich selbs erkalten/ das
 rin bade/ vnd trinck disen Getranck/ dar-
 zu nim Steinklee ein gute handvoll/ was-
 ser zwo maß/ laß es vber die helfft einsie-
 den/ davon trincke ein starcken Trunck
 oder zwen im Bad/ so geht der harn von
 stund an.

So einer starcken Wein oder Bier
 getruncken hette/ vnd davon die Harns-
 winde befünde/ wie dann die Etschische
 Wein gewonlich thun/ vnd nider Rhei-
 nische wein/ so nimb der mitlern rinden
 von Peisselbeerstauden oder Holz/ oder
 von Holdernholz ein handvoll/ sied es in
 drey Kandel Wasser/ laß halb einsieden/
 davon trinck kalt/ es hilfft.

So einer den Blasenstein hette/ vnd
 derselbig groß were/ Darzu nimb dieses
 Wasser alle Abend vnd morgen 4. Löffel
 voll ein/ vnd das mach also: Nimb Mer-
 curiuskraut anderthalb handvol/ Sibisch
 wurzel 3. handvoll/ Cicorea ein hand-
 voll/

R

voll/

voll/ Salbey anderthalb handvoll/ darü-
ber geuß vierthalb maß Eßig in ein glas/
vnd 2. wochen stehn lassen an der Son-
nen/ darnach in einem Alembico aufgez-
brent/ vnd gebraucht wie oben gesagt ist.

**Für die scharpffen Harntwinden/
da einen der Harnt häßtig
schneidt.**

Das LXXIX. Capitel.

Nimb Holderblüe drey guter hand-
voll/ Steinbrechkraut 2. handvoll/
die siede in einer maß Eßigs/ vnd
ein maß wassers / bis auffß halb / davon
trincke bis du gesund bist.

So aber ein vnreynigkete darzu schlä-
ge eusserlichen / oder Hise/ es were nun
was es wolle / so nimb Hundszungen
wurzel / Fuchswurzel / jedes gleich viel/
sied es in wasser/ soviel es genug sey/ mach
ein Pflaster darauf/ vnd lege es auff/ bis
er nichts mehr befindet.

**Für allerley Harntwinden/ darvon
einem**

einem der Harin verligt/ Nimb Schaff-
 wollen hinden zwischen den Beynen/ die
 rein vnd lauter sey/ neße sie in Oehl/ vnd
 lege sie vornen in die scham so weit hinein
 als man kan/ vnd nimb diß Pulvers ein
 halb quint mit Saurampfferwasser/ oder
 Rittenlaubwasser ein/ Nimb Haselkraut
 wurzel so viel du wilt/ pulver/ vnd brau-
 che es wie gesagt ist.

So einen der Harin für vnd für alweg
 schneid/ vnd der harin weiß grünlecht ist/
 dem hilff also: Nimb Wintergrün zwo
 handvoll/ vnser Frauenhaar 3. handvoll/
 Schmalzkrosen ab den hohen Jöchern
 dritthalb handvoll/ dise Kräuter zerschnei-
 de alle gar klein/ vnd siede sie in Wein
 vnnnd wasser jedes anderthalb maß/ bis
 auffß halb eingesotten/ das trincke er für
 vnd für alle Abent vnd morgen bis er ge-
 fundt ist.

Von erkündung der Schame.

Das LXXX. Capitel.

R ij

So

So einem solche erkündung zustünde/ So nimb Hundszungenkraut
drey handvoll/ Weiß Liliënblätter
4 handvol in wasser gesotten/ das es ganz
weich werde/ darnach gestossen/ vnd ein
Pflaster darauß gemacht/ vnd darauff ge-
legt/ so zeucht es die Hitz heraus/ vnd wird
gesund.

Von dem Affter.

Das LXXXI. Capitel.

So einem der Affter erkünd were/
vnd ein Brand darzu schläge/
dem hilff also: Nimb Nachtscha-
denkraut/ vnd braune Münzen/ jedes 3.
oder 4. Handvoll/ das siede in ein guten
frischen weissen firnigen Wein/ das sie
ganz weich werden/ darnach außgetruckt
vnd vngesalzenen Butter darinn zerlas-
sen/ vnd Pflasterweiß auffgelegt/ es hilffe
von stund an.

So einer von viel stülen im Affter gar
erkündt were/ der Neme Dohsenzungen
vnd